

CONSELLERÍA DE SANIDADE

Orde do 23 de marzo de 2010 pola que se determinan os servizos mínimos dirixidos a garantir os servizos esenciais nas institucións sanitarias da área sanitaria de Vigo durante a folga convocada desde as 0.00 ás 24.00 horas, do día 25 de marzo de 2010, que afectará todo persoal.

O artigo 28.2º da Constitución española reconece, como dereito fundamental da persoa, o dereito á folga.

O exercicio deste dereito na Administración e nas empresas, entidades e institucións públicas ou privadas, que presten servizos públicos ou de recoñecida e inaprazable necesidade, no ámbito e nas competencias da Comunidade Autónoma de Galicia, está condicionado ao mantemento dos servizos esenciais fixados no artigo 2 do Decreto 155/1988, do 9 de xuño (*Diario Oficial de Galicia* nº 116, do 20 de xuño), entre os que se atopa a sanidade.

O exercicio público da prestación da asistencia sanitaria non se pode ver afectado gravemente polo lexítimo dereito do exercicio de folga, xa que aquel é considerado e recoñecido prioritariamente en relación a este.

O artigo 3 do citado decreto faculta os conselleiros competentes, por razón dos servizos esenciais afectados, para que, mediante orde, e diante de cada situación de folga, determinen o mínimo de actividade necesaria, así como o persoal necesario para realizala co fin de asegurar o mantemento de tales servizos.

Mediante Orde do 19 de febreiro de 2010 (*Diario Oficial de Galicia* nº 36, do 23 de febreiro), fixéronse os servizos mínimos para garantir os servizos esenciais na folga convocada polas organizacións sindicais, UGT, CC.OO., SAE, SATSE, CSIF e CIG, que afectaba todo o persoal das institucións sanitarias do Complexo Universitario Hospitalario de Vigo durante as xornadas de folga do 24 de febreiro, 3 e 25 de marzo. Con posterioridade, as organizacións sindicais UGT, CC.OO., SAE, SATSE, CSIF, SGPS e CIG, convocan unha folga das 0.00 ás 24.00 horas do día 25 de marzo de 2010 que ademais afecta todo o persoal da Xerencia de Atención Primaria de Vigo e o centro de Galaria do Hospital do Meixoeiro.

A necesaria conciliación entre o exercicio do dereito constitucional de folga e o mantemento dos servizos esenciais obriga a Administración autonómica, de acordo coa normativa vixente, a fixar uns servizos mínimos indispensables para o funcionamento dos servizos esenciais que se concretan e xustifican nesta orde.

Logo da audiencia ao comité de folga, a Consellería de Sanidade

DISPÓN:**Artigo 1º**

A folga convocada o día 25 de marzo das 0.00 ás 24.00 horas polas organizacións sindicais, UGT,

CC.OO., SAE, SATSE, CSIF, SGPS e CIG que afectará todo o persoal e a todas as institucións sanitarias do Complexo Hospitalario Universitario de Vigo, Xerencia de Atención Primaria e centro de Galaria do Hospital do Meixoeiro, deberá entenderse condicionada ao mantemento dos servizos mínimos, segundo os criterios que se dispoñen nesta orde.

Por tratarse dunha folga que abrangue as 24 horas dun día laborable os servizos mínimos que se fixan resultan totalmente imprescindibles para manter a axeitada cobertura dos servizos esenciais de asistencia sanitaria, para os efectos de evitar que se lle produzan graves prexuízos á cidadanía, que respectando o exercicio do dereito á folga, baixo ningún concepto, pode quedar desasistida polas características do servizo dispensado.

Establécense os seguintes criterios reitores na determinación do persoal necesario para o mantemento dos servizos esenciais:

a) Persoal facultativo de atención especializada:

1. Cobertura do 100% da actividade urxente nos seguintes ámbitos:

-Servizos de urxencias e gardas médicas.

-Quirófanos urxentes para a atención dos usuarios que requiran intervención cirúrxica inaprazable.

-Paritorios.

2. Cobertura do 100% da actividade nas seguintes áreas:

-Unidades de reanimación.

-Unidades de coidados intensivos, de adultos ou pediátricas e unidades coronarias, de ser o caso.

-Área de diálise.

-Área de tratamentos oncolóxicos (radioterapia, hospital de día).

3. Cobertura da actividade cirúrxica nos doentes, tanto hospitalizados como ambulatorios, con respecto ás patoloxías que poñan en perigo a vida destes ou agraven o seu estado de saúde, en especial procesos neoplásicos.

4. Na área de hospitalización establecerase o número necesario para garantir as visitas médicas, a atención indefectible dos doentes hospitalizados e as altas clínicas.

5. No ámbito de consulta así como nas interconsultas dos doentes hospitalizados que o requiran, atenderanse as consideradas como urxentes ou preferentes, a criterio do persoal facultativo. Así mesmo, atenderanse as consultas inaprazables dos doentes oncolóxicos que requiran tratamento citostático e os doentes desprazados.

6. Garantirase, así mesmo, a realización de determinacións e probas complementarias urxentes, e as que se refiren aos doentes hospitalizados que, a criterio do persoal facultativo, sexan necesarias e inaprazables, entendéndose incluídas as dos doentes con neoplasias malignas.

7. Garantírase a dispensación de sangue, medicamentos e de produtos sanitarios, que a criterio do facultativo sexan necesarias.

8. Garantírase a atención necesaria a pacientes subsidiarios de hospitalización a domicilio e coidados paliativos.

b) Persoal facultativo dependente de atención primaria:

Médicos, pediatras e odontólogos:

I. Cobertura do 100% da actividade urxente.

II. Os servizos mínimos que se fixan no tramo ordinario de atención prestarán a asistencia urxente ou inaprazable desa unidade calquera que sexa a modalidade da prestación:

-En centros con catro ou menos profesionais: 1 efectivo.

-En centros con cinco a oito profesionais: 2 efectivos.

-En centros con nove a doce profesionais: 3 efectivos.

-En centros con máis de 13 profesionais: 4 efectivos.

c) Persoal sanitario non facultativo de atención especializada:

1. Cobertura do 100% da actividade urxente nun triplo ámbito:

-Servizos de urxencias.

-Quirófanos urxentes (xerais e de tocoloxía) para a atención dos usuarios que requiran intervencións cirúrxicas inaprazables no ingreso.

-Atención aos paritorios.

2. Na área de hospitalización establecerase o número necesario para garantir os coidados dos doentes hospitalizados, en correspondencia cos efectivos dun domingo ou festivo.

3. No ámbito de consultas estableceranse mínimos nun dobre ámbito:

-Apoio á atención das consultas especializadas consideradas como urxentes ou preferentes.

-Así mesmo, atenderanse as consultas inaprazables dos doentes oncolóxicos que requiran tratamento citostático e os doentes desprazados.

4. No ámbito dos servizos centrais, garantirase a realización das probas complementarias urxentes e as que se refiran aos doentes hospitalizados que, a criterio dos facultativos, sexan necesarios e inaprazables, en correspondencia cos efectivos dun domingo ou festivo.

5. Garantírase a dispensación de medicamentos, hemoderivados e produtos sanitarios, en correspondencia cos efectivos dun domingo ou festivo.

6. Unidades especiais: o número necesario para garantir o coidado dos pacientes, en correspondencia cos efectivos dun domingo ou festivo.

d) Persoal sanitario non facultativo de atención primaria:

I. Cobertura do 100% da actividade urxente.

II. Os servizos mínimos que se fixan no tramo ordinario de atención prestarán asistencia urxente e inaprazable desa unidade calquera que sexa a modalidade da prestación:

-En centros con catro ou menos profesionais: 1 efectivo.

-En centros con cinco a oito profesionais: 2 efectivos.

-En centros con nove a doce profesionais: 3 efectivos.

-En centros con máis de trece profesionais: 4 efectivos.

e) Persoal de xestión e servizos de atención especializada.

1. Urxencias: o 100% do persoal.

2. Área de hospitalización: un número de efectivos equivalente ao de domingos ou festivos.

3. Cita previa: un número de efectivos que garantan a atención ao doente que o requira, cun mínimo dun efectivo por centro e ata un máximo do 50% dos efectivos da quenda.

4. Atención ao doente: un número de efectivos que garantan a atención ao doente que o requira, cun mínimo de 1 por centro e ata un máximo do 50% dos efectivos da quenda.

5. Servizos de mantemento: un número equivalente aos domingos ou festivos.

6. Servizo de lavandaría e lenzaría: un número equivalente aos domingos e festivos ou ata o 50% dos efectivos da quenda.

7. Limpeza: ata o 50% dos efectivos da quenda.

8. Hostalaría: un número mínimo igual aos domingos ou festivos, ou ben un 60% dos efectivos da quenda, en función do tamaño das prestacións dependentes de hostalaría en cada centro.

Coa finalidade de garantir o adecuado mantemento do servizo, servirase, con carácter xeral, un único menú aos doentes que non requiran dieta médica especial.

9. Condutores: o mesmo número de efectivos ca os domingos ou festivos, cun mínimo, en todo caso, dun efectivo.

10. Servizos administrativos:

-Información: o número de profesionais necesarios para garantir a debida información aos pacientes.

-Persoal: o número imprescindible para garantir as incidencias e xestións derivadas da folga e como máximo ata o 40% dos efectivos da quenda.

-Subministracións: o número imprescindible para garantir os pedidos urxentes e ata un máximo do 25% dos efectivos da quenda.

-Almacén: un número imprescindible para a xestión do almacén e ata un máximo do 25% dos efectivos da quenda.

-Contabilidade: un número imprescindible para as xestións urxentes e ata un 25% dos efectivos da quenda.

11. Outras áreas de traballo ou servizos: establececese, con carácter xeral, un número equivalente aos domingos ou festivos.

f) Persoal de xestión e servizos de atención primaria:

I. Urxencias: o 100% do persoal.

II. En centros con catro ou menos facultativos: 1 efectivo.

-En centros con cinco ou máis facultativos: 1 efectivo por centro e, en caso de teren varios andares, un máis por andar.

Artigo 2º

A determinación dos profesionais necesarios para cubrir os servizos esenciais con base nos criterios anteriores faraa a dirección do centro respectivo, mediante a designación nominal e individual do dito persoal.

Deberá ser publicada nos taboleiros de anuncios do centro, con antelación ao comezo da folga.

A/o profesional designado como servizo mínimo que desexe exercer o seu dereito de folga poderá instar a substitución da súa designación por outra/o profesional que voluntariamente acepte o cambio de xeito expreso.

No expediente de determinación de mínimos de cada centro, dispoñible para xeral coñecemento do persoal destinatario, deberá quedar constancia dos criterios e xustificación ponderados para determinar os ditos servizos.

Con tales premisas, no anexo desta resolución recóllese, o número de efectivos de servizos mínimos para cubrir a xornada de folga.

Artigo 3º

Os paros e alteracións no traballo por parte do persoal necesario para o mantemento dos servizos mínimos determinados no anexo, así como os expostos nos taboleiros de anuncios de cada centro, serán considerados ilegais para os efectos do establecido no artigo 16.1º do Real decreto lei 17/1977, do 4 de marzo (BOE nº 58, do 9 de marzo).

Artigo 4º

O disposto nos artigos anteriores non significará ningún tipo de limitación dos dereitos que a normativa reguladora da folga lle recoñece ao persoal nesta situación, nin tampouco sobre a tramitación e efectos das peticións que a motiven.

Artigo 5º

Sen prexuízo do establecido nesta orde, deberanse observar as normas legais e regulamentarias vixen-

tes en materia de garantías dos usuarios dos servizos sanitarios. Os altercados ou incidentes que se produzan serán obxecto de sanción con base nas normas vixentes.

Diposición derradeira

Esta orde producirá efectos e entrará en vigor o mesmo día da súa publicación no *Diario Oficial de Galicia*.

Santiago de Compostela, 23 de marzo de 2010.

María del Pilar Farjas Abadía
Conselleira de Sanidade

ANEXO

Complexo Hospitalario Universitario de Vigo

		Servizos mínimos		
		Mañá	Tarde	Noite
Persoal facultativo	Urxencias	13	13	8
	A. cirúrxica	50	33	33
	A. clínica/ Hospitalización	39	18	17
	SS.CC.	34	18	18
Matronas		4	4	4
Fisioterapeutas, t. ocupacionais e logopedas		9	2	0
Persoal DUE	Urxencias	16	17	13
	A. cirúrxica	28	18	13
	A. clínica/Hospitalización	112	92	82
	SS.CC.	32	8	6
Persoal sanitario FP	T. cidad. aux. enfermaría	177	125	86
	Técnico especialista	37	16	9
Celadores/as		74	54	37
Persoal administrativo		41	12	3
Mantemento		5	4	3
Telefonista		3	3	3
Hostalaría*	Cociñeiro/a	4	3	
	Pinche	37	32	
Conductor/a		2		
Limpeza		1		1
Lavandaría	Inclúe: 9 pasadoras/es de ferro, 4 lavandeiras/os, 1 encargada/o e 1 gobernante. 0 de tarde é encargada/o	15	1	

Xerencia de Atención Primaria de Vigo

	Servizos mínimos		
	Mañá	Tarde	Noite
Persoal facultativo (médicos, pediatras)	81	53	18
Persoal de enfermaría	78	49	15
Outro persoal sanitario			
Persoal de servizos xerais	40	20	
Auxiliar administrativo	6	2	
Celadores/as	5	12	11
Conductor/a		2	2
Telefonista		1	1

<i>Galaria, Empresa Pública de Servizos Sanitarios. Vigo</i>						
		Quenda noite, desde as 0.00	Quenda mañá	Quenda tarde	Quenda noite, ata as 24.00	Observacións
Cardioloxía intervencionista	Persoal facultativo	1 cardiólogo localizado	1 cardiólogo	1 cardiólogo	1 cardiólogo localizado	Dotación mínima para a cobertura da actividade urxente
	Persoal DUE	2 DUE localizado	2 DUE	2 DUE	2 DUE localizado	
	Persoal sanitario FP	1 auxiliar enfermaría localizado	1 auxiliar de enfermaría	1 auxiliar de enfermaría	1 auxiliar enfermaría localizado	
	Celador		1 celador	1 celador		
Cirurxía cardíaca (quirófano)	Persoal facultativo	2 cirurxiáns, localizados	2 cirurxiáns	2 cirurxiáns	2 cirurxiáns, localizados	Dotación mínima para a cobertura da actividade urxente
	Persoal DUE	1 DUE instrumentista, localizado	1 DUE instrumentista	1 DUE instrumentista	1 DUE instrumentista, localizado	
	Persoal DUE	1 DUE perfusionista, localizado	1 DUE perfusionista	1 DUE perfusionista	1 DUE perfusionista, localizado	
	Persoal DUE	1 DUE circulante, localizado	1 DUE circulante	1 DUE circulante	1 DUE circulante, localizado	
	Persoal sanitario FP	1 auxiliar enfermaría localizado	1 auxiliar de enfermaría	1 auxiliar de enfermaría	1 auxiliar enfermaría localizado	
	Celador		1 celador	1 celador		
Unidade de recuperación cirurxía cardíaca	Persoal DUE	3 DUE	3 DUE	3 DUE	3 DUE	Dotación necesaria para atender os doentes da unidade de recuperación de cirurxía cardíaca
	Persoal sanitario FP	2 auxiliares de enfermaría	2 auxiliares de enfermaría	2 auxiliares de enfermaría	2 auxiliares de enfermaría	
	Celador	1 celador	1 celador	1 celador	1 celador	
Diagnóstico por imaxe xeral	Persoal facultativo	1 radiólogo localizado	1 radiólogo	1 radiólogo	1 radiólogo localizado	Dotación mínima para realizar probas aos doentes hospitalizados ou urxentes
	Persoal sanitario FP	1 TER localizado	1 TER	1 TER	1 TER localizado	
	Persoal de servizos xerais		1 persoal de servizos xerais	1 persoal de servizos xerais		
Diagnóstico por imaxe Meixoeiro	Persoal facultativo		1 radiólogo	1 radiólogo		Dotación mínima para realizar probas aos doentes hospitalizados ou urxentes
	Persoal sanitario FP		1 TER	1 TER		
	Persoal de servizos xerais		1 persoal de servizos xerais	1 persoal de servizos xerais		
Medicina nuclear-pet	Persoal facultativo		1 médico nuclear	1 médico nuclear		Dotación mínima para realizar probas aos doentes hospitalizados ou urxentes
	Persoal DUE	1 DUE (terapia metabólica)	2 DUE	1 DUE	1 DUE (terapia metabólica)	
	Persoal sanitario FP		1 TER	1 TER		
	Persoal sanitario FP		1 auxiliar de enfermaría (terapia metabólica)			
	Persoal de servizos xerais		1 persoal de servizos xerais	1 persoal de servizos xerais		
Radiofísica	Persoal facultativo		1 radiofísico	1 radiofísico		Dotación necesaria para a cobertura do 100% da actividade na área do tratamento oncolóxico de radioterapia en 4 aceleradores e braquiterapia
	Persoal sanitario FP		1 TER	1 TER		
Radioterapia	Persoal facultativo		3 radioterapeutas	2 radioterapeutas		Dotación necesaria para a cobertura do 100% da actividade na área do tratamento oncolóxico de radioterapia en 4 aceleradores e braquiterapia
	Persoal DUE		2 DUE	2 DUE		
	Persoal sanitario FP		10 TER	10 TER		
	Persoal sanitario FP		2 auxiliar de enfermaría	2 auxiliar de enfermaría		
	Persoal de servizos xerais		2 persoal de servizos xerais	1 persoal de servizos xerais		
Estrutura administrativa (Vigo)	Persoal administrativo		1 administrativo (recepción)	1 administrativo (recepción)		Persoal necesario para garantir o servizo de admisión e de atención ao paciente, así coma todas as actuacións administrativas urxentes, incluída xestión do almacén e de pedidos urxentes e as xestións derivadas da folga
			1 auxiliar advo. RR.HH.			
	Persoal de servizos xerais		1 auxiliar de almacén			

CONSELLERÍA DE TRABALLO E BENESTAR

Orde do 8 de marzo de 2010 pola que se establecen as bases reguladoras das axudas destinadas a actividades de fomento da prevención de riscos laborais na Comunidade Autónoma de Galicia no exercicio de 2010.

A Constitución española de 1978 recolle, dentro dos principios rectores da política social e economí-

ca, que os poderes públicos velarán pola seguridade e hixiene no traballo.

O Estatuto de autonomía de Galicia, aprobado pola Lei orgánica 1/1981, do 6 de abril, establece no seu artigo 29, epígrafe 1, que lle corresponde á Comunidade Autónoma de Galicia a execución da lexislación do Estado en materia laboral.

Mediante o Real decreto 2381/1982, do 24 de xullo, a Comunidade Autónoma de Galicia recibiu o